

La BCG undrada sco «Best Recruiter Svizra»

La Banca Chantunala Grischuna cuntanscha l'emprim rang en la branscha da finanzas

Cuira, ils 20 da fanadur 2018 – La Banca Chantunala Grischuna (BCG) obtegna puspè l'award «Best Recruiter Svizra» 2017/2018. La distincziun sa basa sin il pli grond studi da recruiting cun passa 400 patruns examinads en Svizra ed en il Liechtenstein. En la branscha bancas e prestaziuns finanzialas cuntanscha la BCG l'emprim plaz.

Best Recruiters ha examinà per la tschintgavla giada la qualitat da la recrutaziun da personal dals megliers patruns en Svizra, en il Liechtenstein, en Germania ed en l'Austria. Per il 2017/2018 obtegna la BCG puspè il certificat d'aur «Best Recruiter Svizra».

La BCG è a la testa en la branscha da finanzas svizra

Il studi resguarda passa 400 interpresas en Svizra ed en il Liechtenstein. En la categoria bancas/prestaziuns finanzialas occupa la BCG l'emprim plaz, en il classament general cuntanscha ella plaz 9. «En il rom da la concorrenza per personas qualifitgadas e per talents n'è nagut pli vardaivel che proceders da Benchmark realisads sin fundament da criteris objectivs d'experts externs sco era recumandaziuns dals collavuradors existents», sa legra Alexander Villiger, manader personal, dal resultat da la BCG.

Il pli grond studi en connex cun la recrutaziun da personal

«Best Recruiters» è il pli grond studi en connex cun la recrutaziun da personal en il territori linguistic tudestg. El examinescha las interpresas a maun da 136 criteris areguard lur activitads da recruiting en ils suandants secturs: website da carriera, mobile recruiting, social web, publicaziun da plazzas libras online, resun d'annunziads, usability en il process d'annunzia, iniziativa sin il champ Talent Relationship Management sco era la reacziun sin l'emprim contact da candidatas e da candidats via e-mail e las medias socialas.

– Infurmaziuns e downloads davart il studi: www.bestrecruiters.ch/aktuelles/downloads
Infurmaziuns concernent la BCG sco patruna: gkb.ch/arbeitsgeberin

Contact per ils collavuradors da medias:

Banca Chantunala Grischuna, Medias & Investor Relations, chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11
Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa 985 collavuraturas e collavuradors (stadi dals 31-12-2017). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 25,6 milliardas in gudogn dal concern da CHF 180,3 milliuns. Il scrit da participaziun BCG è quotà a la bursa dapi ils 10 da settember 1985.

Termis

Rendaquint semestral 2018: 26 da fanadur 2018
Quint annual 2018: 8 da favrer 2019
